

描写四季的古诗词名句

1.
子规啼，不如归，道是春归人未归。几日添憔悴，虚飘飘柳絮飞。一春鱼雁无消息，则见双燕斗衔泥。——关汉卿《大德歌·春》
- 2.江南仲冬天，紫蔗节如鞭。——吕渭《状江南·仲冬》
3.
惟有一冬闲岁月，梅花专局不分功。——方蒙仲《和刘后村梅花百咏》
- 4.玄冥气力薄，草木冬犹绿。——白居易《湓浦竹》
- 5.晚白菜肥蚕出火，冬青花落燕成家。——桂衡《春暮》
- 6.挂绝壁松枯倒倚，落残霞孤鹜齐飞。——卢挚《沉醉东风·秋景》
7.
纷纷坠叶飘香砌。夜寂静，寒声碎。——范仲淹《御街行·秋日怀旧》
8.
人生若只如初见，何事秋风悲画扇。——纳兰性德《木兰词·拟古决绝词柬友》
- 9.野童扶醉舞，山鸟助酣歌。——孟浩然《夏日浮舟过陈大水亭》
10.
客念纷无极，春泪倍成行。今朝花树下，不觉恋年光。——王勃《春游》

11.穷冬霜霰集，行路古今难。——仇远《和子野四首·其一》

12.

相逢日日讶冬暄，为此阴寒仅覆翻。——赵蕃《骤寒简明叔闻仲威数过之》

13.厓海夜寒惟月上，冬青树老又花开。——雪江秀公《读谢翱传》

14.龙讶经冬润，莺疑满谷暄。——李敬方《题黄山汤院》

15.千里相思如可见，淮南木叶正惊秋。——刘长卿《送崔使君赴寿州》

16.

枕簟溪堂冷欲秋，断云依水晚来收。——辛弃疾《鹧鸪天·鹅湖归病起作》

17.

清江一曲抱村流，长夏江村事事幽。自去自来堂上燕，相亲相近水中鸥。老妻画纸为棋局，稚子敲针作钓钩。多病所须唯药物，微躯此外更何求。——杜甫《江村》

18.镜湖三百里，菡萏发荷花。——李白《子夜吴歌·夏歌》

19.看取晚来风势，故应难看梅花。——李清照《清平乐·年年雪里》

20.喧鸟覆春洲，杂英满芳甸。——谢朓《晚登三山还望京邑》

21.城上风光莺语乱，城下烟波春拍岸。——钱惟演《木兰花》

22.飒飒东风细雨来，芙蓉塘外有轻雷。——李商隐《无题四首》

23.绿杨烟外晓寒轻，红杏枝头春意闹。——宋祁《玉楼春·春景》

24.

梅英疏淡，冰渐溶泄，东风暗换年华。金谷俊游，铜驼巷陌，新晴细履平沙。长记误随车。正絮翻蝶舞，芳思交加。柳下桃蹊，乱分春色到人家。西园夜饮鸣笳。有华灯碍月，飞盖妨花。兰苑未空，行人渐老，重来是事堪嗟。烟暝酒旗斜。但倚楼极目，时见栖鸦。无奈归心，暗随流水到天涯。——秦观《望海潮·梅英疏淡》

25.

望海楼明照曙霞，护江堤白踏晴沙。涛声夜入伍员庙，柳色春藏苏小家。红袖织绡夸柿蒂，青旗沽酒趁梨花。谁开湖寺西南路，草绿裙腰一道斜。——白居易《杭州春望》

26.

三月牡丹呈艳态。壮观人间春世界。鲛绡玉槛作扃栊，淹雅洞中王母队。不奈风吹兼日煞。国貌天香无物赛。直须共赏莫轻孤，回首万金何处买。——杜安世《玉楼春·三月牡丹呈艳态》

27. 袅袅城边柳，青青陌上桑。——张仲素《春闺思》

28. 冬去冰须泮，春来草自生。——冯道《天道》

29. 冬日诚可爱，不如夜漏多。——鲍溶《冬夜答客》

30.

三千年事残鸦外，无言倦凭秋树。——吴文英《齐天乐·与冯深居登禹陵》

31.

西风乱叶溪桥树，秋在黄花羞涩处——张榘《青玉案·被檄出郊题陈氏山居》

32.

北郭清溪一带流，红桥风物眼中秋，绿杨城郭是扬州。——王士禛《浣溪沙·红桥》

33.蛾眉淡了教谁画？瘦岩岩羞戴石榴花。——关汉卿《大德歌·夏》

34.春雪满空来，触处似花开。——赵嘏《喜张h及第》

35.

两种风流，一家制作。雪花全似梅花萼。细看不是雪无香，天风吹得香零落。虽是一般，惟高一着。雪花不似梅花薄。梅花散彩向空山，雪花随意穿帘幕。——王旭《踏莎行·雪中看梅花》

36.梅须逊雪三分白，雪却输梅一段香。——卢梅坡《雪梅·其一》

37.

南园春半踏青时，风和闻马嘶。青梅如豆柳如眉，日长蝴蝶飞。花露重，草烟低，人家帘幕垂。秋千慵困解罗衣，画堂双燕归。——欧阳修《阮郎归·南园春半踏青时》

38.长江一帆远，落日五湖春。——刘长卿《饯别王十一南游》

39.

骑马傍闲坊，新衣著雨香。桃花红粉醉，柳树白云狂。不觉愁春去，何曾得日长。牡丹相次发，城里又须忙。——王建《长安春游》

40.

纱窗日落渐黄昏，金屋无人见泪痕。寂寞空庭春欲晚，梨花满地不开门。——刘方平《春怨》

41.

杨柳阴阴细雨晴，残花落尽见流莺。春风一夜吹乡梦，又逐春风到洛城。——武元衡《春兴》

42.

人闲桂花落，夜静春山空。月出惊山鸟，时鸣春涧中。——王维《鸟鸣涧》

43.宫粉雕痕，仙云堕影，无人野水荒湾。——吴文英《高阳台·落梅》

44.正护月云轻，嫩冰犹薄。——辛弃疾《瑞鹤仙·赋梅》

45.门冬如佳隶，长年护阶除。——范成大《霜后纪园中草木十二绝》

46.

秦陵汉苑参差雪，北阙南山次第春。车马满城原上去，岂知惆怅有闲人。
——杜牧《长安雪后》

47.少妇今春意，良人昨夜情。——沈佺期《杂诗三首·其三》

48.

愿言未偶非高卧，多病无憀选胜游。一夜雨声三月尽，万般人事五更头。
年逾弱冠即为老，节过清明却似秋。应是西园花已落，满溪红片向东流。
——韩偓《惜春》

49.

风散五更雨，鸟啼三月春。轩窗透初日，砚席绝纤尘。帝里峰头出，邻家树色新。
怜君高且静，有句寄闲人。——刘得仁《答韦先辈春雨后见寄》

50.

万树江边杏，新开一夜风。满园深浅色，照在绿波中。——王涯《春游曲》

51.

别墅军城下，闲喧未可齐。春深花蝶梦，晓隔柳烟鞞。韶景浮寒水，疏杨映绿堤。
沿洄看竹色，来往听莺啼。久慢持生术，多亲种药畦。家贫知素行，心苦见清溪。
越客初投分，南枝得寄栖。禅机空寂寞，雅趣赖招携。本寺重江外，游方二室西。
裴回恋知己，日夕草萋萋。——清江《春游司直城西鸬鹚谿别业》

52.

但殷勤折取，自遣一襟幽怨。——王沂孙《法曲献仙音·聚景亭梅次草窗韵》

53.玉梅消瘦，恨东皇命薄。——汪元量《传言玉女·钱塘元夕》

54.

钟声送尽寒潮水，月落冬青杜宇啼。——梦观法师《游白塔寺次伯温刘先生韵》

55.

一滩一滩复一滩，轻舟荡桨上曾湍。三秋岭外雨全少，十月邕南天未寒。露岸苇花明白羽，风林橘子动金丸。如何连夜还乡梦，不怕关山行路难。——张以宁《立冬舟中即事二首·其一》

56.令行有盗奔，冬暖无儿号。——晁公溯《寄洪雅令孙良臣》

57.

衰露珠晖冷，凌霜桂影寒。——骆宾王《秋晨同淄川毛司马秋九咏·秋月》

58.

长风万里送秋雁，对此可以酣高楼。——李白《宣州谢朓楼饯别校书叔云》

59.

天秋月又满，城阙夜千重。——戴叔伦《客夜与故人偶集/江乡故人偶集客舍》

60.

明月别枝惊鹊，清风半夜鸣蝉。稻花香里说丰年，听取蛙声一片。七八个星天外，两三点雨山前。旧时茅店社林边，路转溪桥忽见。——辛弃疾《西江月》

61.

东风未起，花上纤尘无影。峭云湿，凝酥深坞，乍洗梅清。钓卷愁丝，冷浮虹气海空明。若耶门闭，扁舟去懒，客思鸥轻。几度问春，倡红冶翠，空媚阴晴。看真色、千岩一素，天澹无情。醒眼重开，玉钩帘外晓峰青。相扶轻醉，越王台上，更最高层。——吴文英《丑奴儿慢》

62.

暮雪密成围，寒侵酒力微。度窗闻暗响，启户见斜飞。渐觉明书幌，时来近舞衣。酣歌过午夜，香霭正霏霏。——于立《听雪斋以夜色飞花合春声度水深分韵得飞字》

63.

江南几度梅花发，人在天涯鬓已斑。——刘著《鹧鸪天·雪照山城玉指寒》

64.瀚海百重波，阴山千里雪。——李世民《饮马长城窟行》

65.

长风万里送秋雁，对此可以酣高楼。——李白《宣州谢朓楼饯别校书叔云》

66.

荷花兼柳叶，彼此不胜秋。玉露滴初泣，金风吹更愁。——杜牧《秋日偶题》

67.

不见疏花久，凄然恨满襟。相逢当岁晚，一别又春深。冷落山中约，凄凉月下心。期君须待雪，把酒候前林。——虞荐发《忆梅》

68.雪岭金河独向东，吴山楚泽意无穷。——清江《送婆罗门》

69.

旧闻老具擅诗声，夜泛钱塘向凤城。今日清游更豪逸，雪花和月带潮生。——楼钥《大雪赵振文寄诗言乘月泛舟清甚次韵》

70.雷声忽送千峰雨，花气浑如百和香。——杜甫《即事》

71.碧云红雨小楼空，春光已到销魂处。——张翥《踏莎行》

72.午睡渐多浓似酒，韶华已入东君手。——周邦彦《蝶恋花》

73.群芳烂不收，东风落如糝。——欧阳修《春日西湖寄谢法曹歌》

74.

巧裁幡胜试新罗，画彩描金作闹蛾。从此剪刀闲一月，闺中针线岁前多。
。——查慎行《凤城新年辞》

75.

对潇潇暮雨洒江天，一番洗清秋。——柳永《八声甘州·对潇潇暮雨洒江天》

76.寒梅最堪恨，常作去年花。——李商隐《忆梅》

77.野桥梅几树，并是白纷纷。——洪升《雪望》

78.

纷纷千里暗，雪下海边城。方与冬为瑞，如何晚即晴。竹枝微觉重，瓦口未能平。深夜庭前看，尤添月色清。——孔平仲《初雪即霁》

79.侵陵雪色还萱草，漏泄春光有柳条。——杜甫《腊日》

80.自是不归归便得，五湖烟景有谁争。——崔涂《春夕》

81.寒雪梅中尽，春风柳上归。——李白《宫中行乐词八首》

82.为问频相见，何似长相守。——李之仪《谢池春·残寒销尽》

83.远天归雁拂云飞，近水游鱼迸冰出。——罗隐《京中正月七日立春》

84.

万籁入沈冥，坐深窗户明。微于疏竹上，时作碎琼声。扑纸春虫乱，爬沙夜蟹行。袁安政无寐，敲枕漏三更。——张宪《听雪斋》

85.日出江花红胜火，春如江水绿如蓝。——白居易《忆江南》

86.知是人家花落尽，菜畦今日蝶来多。——高启《春暮西园》

87.燕子来时新社，梨花落后清明。——晏殊《破阵子·春景》

88.夏气重渊底，春光万象中。——文天祥《山中立夏用坐客韵》

89.

暖雨晴风初破冻，柳眼梅腮，已觉春心动。酒意诗情谁与共？泪融残粉花钿重。乍试夹衫金缕缝，山枕斜欹，枕损钗头凤。独抱浓愁无好梦，夜阑犹剪灯花弄。——李清照《蝶恋花·离情》

90.

一春十病九困酒，三月都无两日晴。明旦乘驴芳草渡，绿杨深处听啼莺。——葛长庚《春游》

91.

青青南陌柳如丝，柳色莺声晚日迟。何处最伤游客思，春风三月落花时。——武元衡《陌上暮春》

92.映阶碧草自春色，隔叶黄鹂空好音。——杜甫《蜀相》

本文链接：<https://duanjuziku.com/duanjuzi/hiuo6qnj21.html>